

**JP, „Parking servis“ d.o.o. Zenica**  
**Zacarina broj 23**  
**72000 Zenica**

Na osnovu član 46. tačka I) Statuta JP „Parking servis“ d.o.o. Zenica Službene novine Grada Zenica", broj: 8/18, 8/22, 8/23 i Odluke o izmjeni i dopuni Statuta JP „Parking servis“ d.o.o. Zenica broj 02.45.14248/25 od 07.07.2025. godine), člana 5. stav (3), (4) i (5) Pravilnika o radu JP „Parking servis“ d.o.o. Zenica, broj: 111/21 od 23.02.2021. godine, 0928/23 od 17.07.2023. godine i 0176/24 od 29.03.2024. godine, Odluke o potrebi prijema radnika u radni odnos broj: 0701/25 od 05.08.2025. godine, JP „Parking servis“ d.o.o. Zenica raspisuje

## **JAVNI OGLAS**

**za prijem radnika u radni odnos na neodređeno vrijeme u JP „Parking servis“ d.o.o. Zenica uz uslov probnog rada u trajanju od tri mjeseca**

### **I**

JP „Parking servis“ d.o.o. Zenica raspisuje javni oglas za prijem radnika u radni odnos na neodređeno vrijeme uz uslov probnog rada u trajanju od tri mjeseca, na radno mjesto:

**1. Vozač specijalnog vozila .....1 izvršilac**

### **II**

Opisi poslova radnog mjesta iz člana I Javnog oglasa:

**Vozač specijalnog vozila:** zadužen specijalnim vozilom (pauk) i odgovaran je za ispravnost istog, vrši poslove rukovanja i upravljanja motornim vozilima za vrijeme rada, obavezan je poštovati zakone i podzakonske akte koji regulišu prevoz u unutrašnjem cestovnom prometu, bezbjednosti prometa, te odredbe Pravilnika o korištenju službenih vozila, vodi propisanu evidenciju o korištenju vozila (putne naloge), prije upotrebe vozila dužan je izvršiti pregled istog i konstatovati njegovu ispravnost, vrši utovar-prevoz-istovar nepropisno parkiranih vozila, prema utvrđenom upustvu Društva, na prethodno određeno mjesto uz asistenciju pomoćnog radnika; sastavlja izvještaj o obavljenom poslu u toku radnog vremena, prije upotrebe dužan je izvršiti vizuelni i estetski pregled vozila odnosno konstatovati njegovu ispravnost; obilazi javna parkirališta, vrši kontrolu parkiranih vozila u skladu sa Odlukom o organizaciji i načinu naplate parkiranja na javnim parking prostorima, za slučaj uočenog prekršaja postupa u skladu sa utvrđenom procedurom Društva, vrši naplatu usluga parkiranja uz izdavanje propisanog računa u skladu sa Zakonom; manje kvarove na vozilu dužan je sam otkloniti, a o većim dužan je obavjestiti neposrednog rukovodioca; blagovremeno obavještavati neposrednog rukovodioca o periodičnim, godišnjim i vanrednim potrebama servisiranja motornog vozila; obavještava neposrednog rukovodioca o isteku registracije vozila, licence i dr. najmanje 30 dana prije isteka; po obavljenom poslu dužan je parkirati vozilo na unaprijed određeno mjesto; stara se o pravilnom utovaru, bezbjednom i propisnom transportu tereta; odgovoran je za blagovremeno i efikasno obavljanje poslova predviđenim po dnevnoj dinamici, a o svim nastalim problemima na terenu obavezan je odmah obavjestiti neposrednog rukovodioca; u slučaju većeg kvara obavezno je prisutan uz vozilo i učestvuje sa mehaničarem u otklanjanju istog; najmanje jednom sedmično, a po potrebi i češće vrši kompletno pranje

vozila zajedno sa posadom što evidentira kroz putnu dokumentaciju; popunu goriva obavezno vrši na kraju radnog dana i vozilo parkira na predviđeno mjesto; ne može predati svoje ili preuzeti drugo vozilo bez zapisnika o primopredaji; po potrebi obavlja i poslove kontrolora i naplaćivača na parking, odgovoran je za primjenu i korištenje HTZ opreme kako za sebe lično tako i za članove svoje posade; ne može predati svoje ili preuzeti drugo vozilo bez zapisnika o primopredaji; odgovoran je za poštivanje propisa iz zaštite na radu i protupožarne zaštite, obavlja i druge poslove po nalogu šefu sektora kontrole i glavnog kontrolora.

### III

Prijavljivanje na javni oglas vrši se pisanom prijavom sa biografijom koja mora sadržavati e-mail i mora biti potpisana od strane kandidata. Kandidati koji se prijavljuju na oglas potrebno je da ispunjavaju opšte i posebne uslove i to:

**a) opšti uslovi**

- da je državljanin BiH i da ima prebivalište u BiH,
- da je stariji od 18 godina,
- da je zdravstveno sposoban za obavljanje poslova radnog mjesta na koje se prijavljuje

**b) posebni uslovi**

- da ima završenu stručnu spremu KV /SSS
- da ima 6 mjeseci radnog iskustva u struci,
- položen vozački ispit „C“ kategorija.

### IV

Uz prijavu na oglas, kandidati su dužni dostaviti:

- prijavu na oglas sa kraćom biografijom;
- rodni list,
- uvjerenje o državljanstvu koje nije starije od 6 mjeseci računajući od dana objave javnog oglasa,
- potvrdu o prebivalištu (CIPS), koja nije starija od 6 mjeseci računajući od dana objave javnog oglasa,
- diplomu ili svjedočanstvo o završenom školovanju, kao dokaz o stečenom zvanju i stručnoj spremi, potrebnu za radno mjesto na koje se prijavljuje,
- uvjerenje/potvrdu o radnom iskustvu,
- dokaz o položenom vozačkom ispitu „C“ kategorija

Napomena: samo izabrani kandidat biti će u obavezi u roku od 15 dana od dana zaprimanja obavještenja o njegovom izboru kao najboljeg kandidata, dostaviti lječarsko uvjerenje.

### V

Uz prijavu na javni oglas, kandidati su dužni dostaviti dokumente o ispunjavanju opštih i posebnih uslova, **original ili ovjerene fotokopije**.

Komisija za izbor kandidata za prijem u radni odnos obaviće intervju sa kandidatima koji budu ispunjavali formalno-pravne uslove (što dokazuju priloženom dokumentacijom).

Napomena: Poslodavac će o terminu i mjestu održavanja intervjua obavijestiti kandidate dostavom skenirane obavijesti **na e-mail adresu** kandidata najmanje pet dana prije održavanja intervjua i ista će biti postavljena na web stranicu i oglasnu ploču poslodavca.

Nakon okončanog postupka izbora kandidata za prijem u radni odnos Komisija utvrđuje listu uspješnih kandidata u skladu sa postignutim ocjenama na intervjuu. Poslodavac će donijeti odluku o prijemu u radni odnos prvorangiranog kandidata s liste.

Za sva dodatna obavještenja možete se obratiti na telefon broj: 032/ 981-454.

Lista uspješnih kandidata predstavlja i rezervnu listu, te će se u slučaju odustanka izabranog kandidata donijeti odluka o prijemu u radni odnos kandidata prema redoslijedu uspješnih kandidata sa liste.

## **VI**

Kandidati koji nisu izabrani na radno mjesto za koje je provedena procedura prijema, bit će pismeno obaviješteni, najkasnije u roku od pet dana od dana donošenja odluke o prijemu u radni odnos izabranog kandidata.

## **VII**

Obavijest o Javnom oglasu će biti objavljen u dnevnom listu "Oslobođenje".

Napomena: integralni tekst javnog oglasa bit će objavljen na web stranici Grada Zenica i web stranici JP „Parking servis“ d.o.o. Zenica, te će isti biti dostavljen JU Službi za zapošljavanje Zeničko-dobojskog kantona, koja je dužna da oglas objavi isti dan na svojoj web stranici.

Javni konkurs/oglas ostaje otvoren 15 (petnaest) dana od dana posljednje objave.

Prijave sa potrebnom dokumentacijom, dostaviti u zatvorenoj koverti, lično na protokol u sjedište Preduzeća ili preporučenom poštom na adresu:

JP „Parking servis“ d.o.o. Zenica, Ulica Zaccarina 23, sa naznakom  
„NE OTVARAJ – PRIJAVA NA JAVNI OGLAS“ na radno  
mjesto Vozač specijalnog vozila

Neuredne, nepotpune i neblagovremeno pristigle prijave neće se uzeti u razmatranje.

Preduzeće nije obavezno vraćati dokumentaciju dostavljenu uz prijavu.